



Menntamálaráðuneytið
Þorgerður Katrín Gunnarsdóttir
menntamálaráðherra
Sölvhólsgötu 4
150 Reykjavík

Reykjavík, 22. ágúst 2007
Tilvísun: HI07060085/005.1

Efni: Viðbrögð Háskóla Íslands við lokaskýrslum sérfræðinganefnda vegna umsóknar HÍ um viðurkenningu

Vísað er til þriggja bréfa ráðuneytis sem fylgdu lokaskýrslum sérfræðinganefnda (sem trúnaðarmál) vegna umsókna Háskólans um viðurkenningu fyrir fræðasvið náttúruvísinda (bréf dags. 18. júní 2007), verk- og tæknivísinda (bréf dags. 27. júní 2007) og hugvísinda (bréf dags. 28. júní 2007). Í bréfum ráðuneytis var óskað eftir því að athugasemdir - ef einhverjar eru - berist ráðuneyti innan fjögurra vikna frá dagsetningu bréfs. Vegna sumarleyfa sem í hönd fóru var fresturinn rýmkaður til 22. ágúst.

Fyrir hönd Háskóla Íslands er starfsfólki menntamálaráðuneytisins sem að málinu kom færðar þakkir fyrir gott samstarf um þetta verkefni og sömuleiðis starfsfólki RANNÍS og erlendu sérfræðingunum sem skipuðu matsnefndirnar og settu saman skýrslurnar um fræðasviðin.

Þær deildir Háskólans sem hlut áttu að máli voru raunvísindadeild vegna náttúruvísindasviðs, verkfræðideild vegna verk- og tæknivísindasviðs og hugvísindadeild og guðfræðideild vegna hugvísindasviðs. Viðkomandi deildir Háskólans áttu þess kost að gera athugasemdir og setja fram ábendingar við drög að matsskýrslum á fyrri stigum umsóknarferlisins. Flestar þessara athugasemda og ábendinga voru teknar til greina. Ekki er talin ástæða til þess nú, er lokaskýrslur liggja fyrir, að gera sérstakar athugasemdir við efni skýrslanna umfram það sem fram kemur í meðfylgjandi bréfum deildanna.

Vinnan við undirbúning umsókna um viðurkenningu var í senn umfangsmikil og gagnleg og mun eðli máls samkvæmt nýtast í starfi Háskólans. Þannig er til dæmis gert ráð fyrir því að ekki verði látið staðar numið við lýsingu á inntaki námsleiða og prófgráða, sbr. 8. hluta, heldur verði gerð samsvarandi viðmið um einstök námskeið sem saman mynda námsleiðina. Í mörgum tilvikum hefur það reyndar verið gert samhliða, þótt það komi ekki fram í umsókninni, enda ekki ráð fyrir því gert.


Ábendingar um starfsemi fræðasviðanna sem fram koma í skýrslunum komu í langflestum tilvikum ekki á óvart. Allar ábendingar og athugasemdir verða vandlega yfirfarnar í samvinnu við viðkomandi deildir og brugðist við þeim eftir því sem kostur er. Háskóli Íslands hefur á undanförunum fáum árum gengist undir nokkrar ytri úttektir sem ýmist hafa tekið til Háskólans

í heild eða einstakra deilda hans. Skýrslur um þrjár slíkar ytri úttektir voru birtar á árinu 2005, þ.e. úttekt Ríkisendurskoðunar á fjárhagsstöðu, fjármögnun, árangri, gæðum, rekstrarformi og stjórnsýslu Háskólans, úttekt menntamálaráðuneytis á akademískri stöðu Háskóla Íslands, sem tekur til rannsóknastarfs við skólann á árunum 1999–2002, og úttekt Samtaka evrópskra háskóla (EUA) þar sem lögð er sérstök áhersla á uppbyggingu framhaldsnáms og gæðastarf innan skólans. Þá hafa nýlega verið gerðar ytri úttektir á hugvísindadeild (skýrsla 2006) og raunvísindadeild (skýrsla 2007).

Allar þessar úttektir hafa í reynd staðfest mjög sterka stöðu Háskólans sem kennslu- og rannsóknastofnunar. Þær hafa nýst vel í starfi skólans og rennt stoðum undir stefnu Háskóla Íslands 2006-2011 sem samþykkt var á háskólafundi 5. maí 2006 og staðfest af háskólaráði 11. maí 2006.

Í kjölfar þeirrar stefnumörkunar var hinn 11. janúar 2007 undirritaður samningur á milli menntamálaráðuneytisins og Háskólans um kennslu og rannsóknir sem gildir til ársloka 2011. Samningurinn geymir helstu áherslur í starfsemi HÍ á samningstímabilinu og eru sameiginleg markmið sammingsaðila að tryggja gæði kennslu og rannsókna við HÍ, stuðla að metnaðarfullri framþróun í starfsemi skólans á samningstímanum og að skapa forsendur fyrir því að HÍ öðlist viðurkenningu sem háskóli í fremstu röð í heiminum. Í samningnum kemur fram að HÍ muni aðlaga starfsemi sína nýjum lögum um háskóla á samningstímanum, m.a. að afla sér viðurkenningar á þeim fræðasviðum sem skólinn starfar á. Með þeim umsóknum sem fram hafa verið lagðar fyrir fræðasvið náttúruvísinda, verk- og tæknivísinda og hugvísinda sem nú hafa sætt mjög jákvæðu mati sérfræðinga telur Háskólinn sig hafa uppfyllt markmiðið fyrir þessi þrjú fræðasvið. Fyrir liggur að Háskólinn mun leggja fram umsóknir hinn 1. september nk. um viðurkenningu fyrir fræðasvið heilbrigðisvísinda og félagsvísinda.

Virðingarfyllt



Kristín Ingólfssdóttir
rektor



HÁSKÓLI ÍSLANDS

VERKFRÆÐIDEILD

Minnisblað frá verkfræðideild Háskóla Íslands

Reykjavík, 21. ágúst 2007

Efni: Skýrsla sérfræðinefndar um viðurkenningu á fræðasviði verk- og tæknivísinda

Verkfræðideild fagnar niðurstöðu sérfræðinganefndar um viðurkenningu á fræðasviði verk- og tæknivísinda. Það er deildinni mikilvægt að fá leiðbeiningar um hvað megi betur fara og mun hún nýta sér þær.

Verkfræðideild gerir ekki athugasemdir við skýrsluna, en vill nota tækifærið og greina ráðuneytinu frá því hverju deildin er að vinna að.

Hér að neðan er vísað til liða í kafla 11 Summary of Findings


Atriði 4, 5, 6, 7 fjalla um nauðsyn þess að forgangsraða áherslum í kennslu og rannsóknum. Samningur HÍ við ríkið kveður á um að skólinn eigi að ákveða áherslusvið í rannsóknum. Deildarráð verkfræðideildar hefur ákveðið að leggja vinnu í að ákveða áherslusvið í rannsóknum og kennslu.

Atriði 10 fjallar um brottfall. Háskólaráð Háskóla Íslands hefur skipað nefnd sem er ætlað að gera úttekt á brottfalli nemenda við skólann, greina ástæður þess og setja fram tillögur um úrbætur. Verkfræðideild hefur einsett sér að skoða brottfall sérstaklega, og þá m.t.t. undirbúnings nemenda, stuðnings við nemendur og innihalds náms og kennsluáðferða.

Atriði 12 og 13 fjalla um frekari uppbyggingu tækjaáðstöðu og tæknifólk sem sér um þá aðstöðu. Verkfræðideild hefur þegar brugðist við með því að gera ráðstafanir um að ráða viðbótarstarfsmann.

Atriði 14 fjallar um nauðsyn þess að vísindamenn afli sértekna utan skólans. Þriðjungur af veltu Háskóla Íslands kemur af sjálfsaflafé. Nýverið hefur verið ráðinn starfsmaður í hlutastarf við verkfræðideild til að aðstoða kennara við að sækja um styrki í erlenda rannsóknasjóði, einkum þó evrópska.

Önnur atriði á listanum eru ekki síður mikilvæg en ekki verður fjallað um þau sérstaklega að svo komnu máli þar sem stjórn deildarinnar er að vinna að áætlunum um hvernig bregðast eigi við þeim og hvernig þeim verði forgangsraðað.


Ebba Þóra Hívannberg
Deildarforseti verkfræðideildar